



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Opera Mystica V. Ac Mystici Doctoris F. Ioannis A Cruce  
Primi Religiosi Discalceati Ordinis B. V. M. De Monte  
Carmelo Et Seraphicæ Virginis Theresiæ fidelissimi  
coadiutoris**

**Juan <de la Cruz>**

**Coloniæ Agrippinæ, 1639**

Adversvs Mvndvm. Tomnino deuites damna, quæ tibi Mundus inferre  
potest, tribus hisce cautelis vtaris oportet.

**urn:nbn:de:hbz:466:1-37873**

tem quemlibet istorum inimicorum quis omnino debellet, omnes tres vincat, oportet. quorum uno debilitato, & reliqui duo viribus deficiunt, quando verò omnes tres superati sunt, nullum aliud ipsi animæ superest bellum.

### ADVERSUS MUNDVM.

**M**T omnino deuites damna, quæ tibi Mundus inferre potest, tribus hisce cautelis vtaris oportet.

#### CAVTELA I.

**P**Rima cautela sit: vt æquali erga omnes amore feraris, æquali obliuione: siue cognati tui sint, siue ignoti, cor tuum tam ab illis quam etiam ab his abstrahendo, imo quodammodo ab istis magis, veritus ne caro & sanguis foueantur, & viuificentur ab amore naturali, qui inter cognatos semper viget. Hunc amorem incessanter mortificare debet, qui perfectionem spiritualem adipisci desiderat. Omnes homines velut extranei & ignoti tibi sint, & hac ratione melius satisfacies obligationi tuæ erga illos, quam si affectum tuum, soli Deo debitum, eis impendas. Neminem plus altero diligas, secus enim grauius errabis. Ille siquidem maiori dilectione dignus est, quem Deus plus amat, tu autem ignoras quem Deus magis diligit. Cæterum si tu æque omnium obliuisceris, prout tibi conuenit, ad sanctam istam introuersionem consequendam, immunis eris ab errore, in amando eos, qui plus minusue amari merentur. Nihil de illis cogites, nec bona, nec mala: sed quantum fieri potest, ipsos deuita. Quod si obseruare neglexeris, non poteris esse religiosus, neque ad sanctam

recollektionem peruenire, neque imperfectiones inde procedentes declinare. Si vero hac in re indulgeris tibi, recumque dispensare volueris, siue in vno, siue in alio, decipiet te Dæmon, vel tu temeripsum, sub aliquo boni, vel mali colore. si hæc feceris, securus eris, sin minus, non poteris imperfectiones & nocumta ex creaturarum adhaesione animæ aduenientia deuitare.

#### CAVTELA II.

**S**ecunda aduersus Mundum cautela respicit bona temporalia. Quocirca, vt vere huius generis nocumta vitare, & excessus appetitus contemperare possis, ab omni genere possessionis debes abhorrere, nullaque rei alicuius sollicitudine angis: non cibi neque vestitus, nec alterius rei creatæ, etiam diei crastinæ: sed hanc curam altioribus applicare, inquisitioni scilicet regni Dei: hoc est, vt sis Deo fidelis: sic enim (vt ait D. Math.) *religiosa adquirentur nobis*. Equidem tui non obliuiscerentur nobis, cui de brutis cura est. hoc si feceris, silentium & pacem in sensibus consequeris.

CAV-



## CAVTELA. III.

**T**ertia cautela summopere tibi necessaria est ad hoc, vt in monasterio cauere scias vniuersa damna circa Religiosos occurrentia. Quam quod plerique non adhibuerint, non solum animæ suæ pacem, ac bonum amiserunt, sed etiam in multa inciderunt, & in dies incidunt mala, & peccata. Hæc igitur sit cautela, vt nimirum caueas omni studio cogitare, & multo magis loqui de his, quæ religiosum aliquem nominatim concernunt, non de illius indole, non de conuersatione, non denique de illius rebus, etiam grauioribus, nec sub prætextu zeli, aut emendationis aliquid dicas alteri, quam ei, cui suo tempore id dicere expedit. Nunquam etiam scandalum patiaris, aut mireris, quidquid demum videas audias: sed animam tuam in obliuione omnium istorum immunè serua. licet enim viuas inter Angelos, dum alios curiosè attendis, multa tibi videbuntur non bona, eo quod illorum substantiam nõ percipias. Quapropter statue tibi exemplum vxoris Loth, quæ quod in Sodomitaram excidio conturbata retrospexerit, quidnam ageretur contemplatura, punitione diuina, in statuam & petram salis conuersa fuit: Vt ex eo intelligas, Dei voluntatem esse, quod licet inter Dæmones viuas, ira tamen te inter illos vi-

uere vult, vt ne quidem ad ipsorum facta cogitationis caput retrovertas, sed ea, tanquam ad te minime pertinentia, omnino relinquant, hoc solum spectando vt animam tuam puram coram Deo conferues, absque eo quod vel minima cogitatio huius vel illius rei idiplum impediatur. Atque adeo illud pro certo habeas, quod nunquam in Conuentibus, & Communitatibus Religiosis deerit offendiculum aliquod, cum Dæmones nunquam desint satagentes deturbare Sanctos: quod & Deus ipse ad illorum exercitium & experimentum permittit. Tu vero nisi, prout dictum est, prospexeris tibi, non secus, ac si non esses in monasterio quantumuis allabores, Religiosus esse non poteris, neque ad sanctam nuditatem, & introersionem peruenire, neque inibi latentia damna subterfugere. Si enim aliter te gesseris, quantumuis optimo fine ac zelo ducaris, siue in vno siue in alio à Dæmone deprehenderis, & sane satis multum ab illo deprehensus es, quoties præbes aditum animæ circa aliquid huiusmodi sese distrahendi. Memento quid dicat S. Iacobus Apostolus: *Si quis putat, (inquit,) se religiosum, esse non refrenans linguam suam, huius vana est religio.* quod non minus de interiori, quam etiam de exteriori lingua intelligendum est.

*Contra Dæmonem.*

**R**IBVS cautelis vti debet quisquis ad perfectionem aspirat, vt Dæmonis secundi hostis manus effugiat. quocirca notandum est, inter varias, quas Dæmon vsurpat cautelas, vt personas spirituales